

Ministarstvo unutrašnjih poslova Kantona Sarajevo, Uprava policije, ulica La Benevolencija br. 16, koju zastupa policijski komesar, Generalni inspektor policije Fatmir Hajdarević, (u daljem tekstu: Ugovorni organ)

i

„NOVO-TEKS” d.o.o. Banja Luka, Nenada Kostića broj 20 d, ID broj: 4400860300004, kojeg zastupa direktor Novak Milaković (u daljem tekstu: Dobavljač)

zaključili su:

UGOVOR O NABAVCI USNIKA ZA ALKOMETRE

Član 1.

Predmet ovog Ugovora je nabavka usnika za alkometre u količini od 62100 komada (621 paket), za potrebe Uprave policije Ministarstva unutrašnjih poslova Kantona Sarajevo. Nabavka je izvršena putem konkurentskog zahtjeva, na osnovu Odluke o pokretanju postupka javne nabavke broj: 02-11-4-6114/23 od 29.08.2023. godine. Ugovor se zaključuje u skladu sa uslovima iz tenderske dokumentacije, ponudom Dobavljača, Ponuda broj 57/23 je sastavni dio ovog Ugovora.

Član 2.

Ukupna vrijednost ovog Ugovora za predmetnu nabavku usnika za alkometre iznosi nakon provedene elektronske aukcije 16.124,00 (šesnaesthiljadastodvadesetčetiri i 00/100) KM bez PDV-a.

Dobavljač se obavezuje na nepromjenjivost ponuđenih cijena tokom cijelog ugovornog perioda i da će pod istim uslovima u periodu trajanja ovog Ugovora isporučiti predmetnu robu, za potrebe Uprave policije Ministarstva unutrašnjih poslova Kantona Sarajevo.

Član 3.

Dobavljač se obavezuje da će robu isporučiti u roku od 7 (sedam) dana od dana potpisa ugovora. Sve troškove vezane za isporuku robe kao i troškove reklamacije snosi Dobavljač.

Član 4.

Prilikom isporuke robe koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučenu robu (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po izvršenoj isporuci otpremnicu potpisuje i ovlaštena osoba Ugovornog organa.

Prilikom isporuke robe bit će sačinjen zapisnik o kvantitativnom i kvalitativnom prijemu (čiji će sastivni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve primjedbe na izvršenu isporuku će biti konstatovane u zapisniku.

Ukoliko lice zaduženo za prijem konstatuje određene nedostatke u kvalitetu ili kvantitetu robe, neće se sačinjavati zapisnik o prijemu, već će se sačinite zapisnik o reklamaciji, koji Ugovorni organ dostavlja Dobavljaču.

Član 5.

Dobavljač se obavezuje priznati reklamaciju na kvantitet i kvalitet robe, koja će biti propraćena zapisnikom o reklamaciji uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji Dobavljač je dužan da o svom trošku učini sve da se nedostaci otklone u što kraćem roku koji će mu u zapisniku odrediti Ugovorni organ.

Član 6.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 (trideset) dana.

Član 7.

Plaćanje će se vršiti u roku od 30 (trideset) dana od dana uredno izvršene isporuke i dostavljanja fakture na tekući račun Dobavljača.

Član 8.

Ukoliko Ugovorni organ ocjeni da Dobavljač nije u stanju kontinuirano i kvalitetno izvršavati preuzete obaveze odnosno ukoliko ponuđena roba nije u skladu sa datom ponudom iz člana 1. ovog Ugovora, Ugovorni organ može jednostrano bez saglasnosti Dobavljača raskinuti ovaj Ugovor.

Član 9.

Ugovorni organ zadržava pravo raskida Ugovora ukoliko roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.

U slučaju kašnjenja u isporuci robe do kojeg je došlo krivicom Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe za svaku sedmicu kašnjenja do urednog ispunjenja s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 11.

Dobavljač se obavezuje da će poštovati sve garantne uslove u toku garantnog perioda. Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

Član 12.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi) imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 13.

Dobavljač nema pravo zapošljavati u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke Ugovornog organa najmanje 6 (šest) mjeseci po zaključenju ovog Ugovora odnosno od početka realizacije ovog Ugovora.

Član 14.

Na ostala prava i obaveze ugovornih strana koja nisu regulisana ovim Ugovorom primjenjivat će se odredbe Zakona o obligacionim odnosima.

Član 15.

Eventualne nastale sporove pri realizaciji ovog Ugovora, Ugovorne strane će rješavati sporazumno.



U slučaju nemogućeg sporazumnog rješavanja ugovorne strane utvrđuju nadležnost Suda u Sarajevu.

Član 16.

Ovaj ugovor je zaključen kada isti potpišu obje ugovorne strane i traje do realizacije ugovorene obaveze obje ugovorne strane.

Član 17.

Ovaj ugovor izrađen je u četiri (4) istovjetna primjerka, od kojih Ugovorni organ zadržava 2 (dva), te Dobavljač 2 (dva) primjerka.


DOBAVLJAČ
„NOVO-TEKS” d.o.o. Banja Luka

direktor Novak Milaković


UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj: 20-11/23
Datum: 20.11.2023.

Broj: 02-11-4-6114-6/23
Datum: 08.11.2023. godine